

**Broj:** 05-02-2-1826-2/23  
**Sarajevo,** 16. 01. 2024. godine

Na osnovu člana 12. stava (3) Pravilnika o uslovima nabavke i načinu korištenja službenih vozila u institucijama Bosne i Hercegovine ("Službeni glasnik BiH", br. 34/23) i na osnovu Odluke o prodaji službenih vozila u vlasništvu Ministarstva civilnih poslova Bosne i Hercegovine broj: 05-02-2-6735-1/23 od 20.12.2023.godine, Ministarstvo civilnih poslova Bosne i Hercegovine objavljuje:

**JAVNI POZIV**  
**za dostavljanje ponuda u postupku prodaje motornih vozila**  
**Ministarstva civilnih poslova Bosne i Hercegovine**

**I – PREDMET PRODAJE**

Predmet prodaje su dva službena motorna vozila Ministarstva civilnih poslova Bosne i Hercegovine (u daljem tekstu: Ministarstvo). Prodaja se vrši putem javnog nadmetanja-licitacije, koje je objavljeno u sredstvima javnog informisanja i to u najmanje tri dnevna lista, kao i na internet stranici Ministarstva na sljedećem linku: [www.mcp.gov.ba/Content/Read/finansije-dokumenti](http://www.mcp.gov.ba/Content/Read/finansije-dokumenti).

**II – PODACI O VOZILIMA**

<b>VOZILO BROJ 1:</b>	<b>VOZILO BROJ 2:</b>
Marka vozila: ŠKODA	Marka vozila: VW
Model vozila: OCTAVIA	Model vozila: PASSAT
Tip: 5E	Tip: 3C
Boja vozila: Crna	Boja vozila: Crna
Broj šasije: TMBAG4NE0E0068494	Broj šasije: WVWZZZ3CZGE160424
Broj motora: CLHB186605	Broj motora: DFE005986
Vrsta goriva: Dizel-EURO 5	Vrsta goriva: Dizel-EURO 6
Snaga/zapremina motora: 77 KW	Snaga/zapremina motora: 110 KW
Radni obim motora: 1598 ccm	Radni obim motora: 1968 ccm
Godina proizvodnje: 2013. godina	Godina proizvodnje: 2016. godina
Pređena kilometraža: 175.500 km	Pređena kilometraža: 369.220 km
Istek registracije: 30.12.2024. godine	Istek registracije: Registracija je istekla, vozilo je odjavljeno
Stanje vozila: Ispravno	Stanje vozila: Potrebno je zamijeniti letvu volana
Početna cijena: 12.000,00 KM sa PDV-om	Početna cijena: 18.500,00 KM sa PDV-om

**III – KRITERIJ PRODAJE**

Prodaja vozila vrši se putem javnog nadmetanja dostavljanjem zatvorenih pisanih ponuda. Vozila se prodaju po načelu „viđeno – kupljeno“, te kupac nema pravo na naknadne reklamacije i prigovore/žalbe po pitanju kvaliteta, stanja, funkcionalnosti, izgleda, skrivenih ili drugih eventualnih nedostataka motornog vozila.

Kriterij za izbor najpovoljnijeg ponuđača je najviša ponuđena cijena motornog vozila, koja ne može biti manja od početne prodajne cijene/vrijednosti vozila.

**IV-PREGLED VOZILA**

Vozila koja su predmet prodaje mogu se pogledati dana 31.01.2024. godine i 01.02.2024. godine na parking u pravog lica Unitrade d.o.o., ulica Pijačna 60C, Sarajevo, uz prethodnu najavu kontakt osobi sa kojom će se utvrditi tačno vrijeme pregleda vozila. Kontakt osoba i telefon: **Radmilo Vujadinović - 065/584-606.**

**V – PRAVO UČEŠĆA**

Pravo učešća u javnom nadmetanju, dostavljanjem zatvorenih ponuda imaju sva pravna i fizička lica koji prije određenog roka za licitaciju izvrše uplatu depozita u iznosu od 10% od početne vrijednosti vozila, odnosno depozit u iznosu od **1.200,00 KM za vozilo broj 1 i 1.850,00 KM za vozilo broj 2.**

U skladu sa Instrukcijom Ministarstva finansija i trezora Bosne i Hercegovine, uplata depozita vrši se na glavni budžetski račun kod Centralne banke Bosne i Hercegovine, do krajnjeg datuma za dostavu ponuda, kako slijedi:

**Primalac:** Ministarstvo finansija i trezora BiH

**Transakcijski račun broj:** 0000030000000145

**Poziv na broj:** 37111

**Svrha uplate:** Javno nadmetanje-licitacija u Ministarstvu civilnih poslova Bosne i Hercegovine  
Polje Svrha uplate je obavezno.

Novčani iznos, uplaćen na ime depozita, biće vraćen onim ponuđačima, koji ne budu izabrani na javnom nadmetanju.

Zaposleni u Ministarstvu i članovi njihove uže porodice nemaju pravo učešća u licitaciji.

## **VI – SADRŽAJ PONUDE**

Ponuda mora sadržavati:

- **za fizičko lice** – popunjen i potpisan Obrazac za cijenu ponude za fizička lica, ovjerenu kopiju identifikacionog dokumenta i kopiju dokaza o uplaćenom depozitu/kauciji;
- **za pravno lice** – popunjen, potpisan i pečatom ponuđača ovjeren Obrazac za cijenu ponude za pravna lica, original ili ovjerenu kopiju izvoda iz sudskog registra, ne starije od tri mjeseca računajući, od roka za predaju ponuda, ovlaštenje za zastupanje ponuđača/punomoć, ukoliko ponudu potpisuje lice koje u dokazu o registraciji ponuđača nije navedeno kao ovlašteni predstavnik ponuđača i kopiju dokaza o uplaćenom depozitu/kauciji.

Obrazac za cijenu ponude za fizička lica i Obrazac za cijenu ponude za pravna lica su objavljeni na web stranici Ministarstva na sljedećem linku: [www.mcp.gov.ba/Content/Read/finansije-dokumenti](http://www.mcp.gov.ba/Content/Read/finansije-dokumenti) ili na protokolu Ministarstva.

Ponuđene cijene trebaju biti iskazane u KM i u cijelim brojevima, bez decimala.

## **VII – DOSTAVLJANJE PONUDE**

Ponude se dostavljaju na obrascima za cijenu ponude, u zatvorenim (neprovidnim) kovertama putem pošte ili neposredno na protokol Ministarstva civilnih poslova BiH, Trg BiH broj 3, Sarajevo, s naznakom: NE OTVARATI.

**Krajnji rok za dostavljanje ponuda je 06.02.2024. godine do 10:00 sati.** U obzir će se uzeti samo ponude koje budu zaprimljene do 10:00 sati na protokolu Ministarstva, bez obzira na način dostave (poštom ili lično).

Sve ponude pristigle poslije navedenog roka, bez obzira kad su poslone, kao i ponude sa ponuđenim iznosom manjim od utvrđene početne cijene, neće se uzeti u razmatranje.

## **VIII – POSTUPAK JAVNOG NADMETANJA-LICITACIJE**

Javno otvaranje ponuda će se održati u prisustvu zainteresovanih ponuđača dana **06.02.2024. godine sa početkom u 10:30 sati** u prostorijama Ministarstva, Trg BiH broj 3, Sarajevo.

Otvaranju ponuda mogu prisustvovati ponuđači, zakonski zastupnici ponuđača ili lica koja su ovlaštena za učešće u postupku licitacije, uz predočavanje ovlaštenja, odnosno punomoći.

Postupak nadmetanja - licitacije počinje registracijom ponuđača, koja podrazumijeva provjeru identiteta podnosioca ponude, zakonskog zastupnika ili punomoćnika.

Predsjednik Komisije otvara prispjele ponude, čiji se sadržaj unosi u listu ponuđača, koja sadrži: naziv ponuđača, redni broj ponude po prispjeću, vrsta vozila, ponuđeni iznos i prihvatljivost ponude.

Ponude koje ne ispunjavaju tražene zahtjeve iz javnog oglasa, kao i ponude sa cijenom nižom od početne cijene, neće se uzeti u razmatranje.

Nakon otvaranja pravovremeno pristiglih ponuda, usmeno se saopštavaju ponuđene cijene prisutnim ponuđačima, te se utvrđuje lista ponuđača, koji su ponudili istu ili višu cijenu od utvrđene početne cijene, počevši od ponuđača sa najvišom ponuđenom cijenom. Predsjednik Komisije proglašava pobjednika javnog nadmetanja-licitacije.

Ukoliko dva ili više ponuđača ponude istu cijenu, koja je ujedno i najviša cijena, pobjednikom javnog nadmetanja, biće proglašen ponuđač, koji je ranije predao ponudu.

Ukoliko se na javni poziv javi samo jedan ponuđač čija je ponuđena cijena ista ili viša od početne cijene/vrijednosti vozila, isti se proglašava pobjednikom javnog nadmetanja.

Ukoliko se na javni poziv za prodaju motornih vozila ne prijavi nijedan zainteresovani ponuđač, Ministarstvo će izvršiti novo raspisivanje javnog oglasa za prodaju, uzimajući u obzir da početna/procijenjena vrijednost prethodnog nadmetanja može biti umanjena maksimalno do 10%.

## **IX – OBAVEZE KUPCA-PONUĐAČA**

Po završetku postupka javnog nadmetanja, Ministarstvo će zaključiti kupoprodajni ugovor sa odabranim ponuđačem u roku od 7 (sedam) dana i istom će biti vraćen uplaćeni depozit, nakon dostavljanja dokaza o izvršenoj uplati punog licitiranog iznosa za kupovinu motornog vozila.

Odabrani ponuđač dužan je da za kupljeno motorno vozilo uplati puni iznos kupoprodajne cijene u roku od 7 (sedam) dana od dana obostranog potpisivanja ugovora, sa naznakom svrhe uplate „Kupovina motornog vozila Ministarstva civilnih poslova BiH“, na jedan od depozitnih računa Ministarstva finansija i trezora Bosne i Hercegovine: JRT Trezor BiH, broj računa: 3380002210018390, broj poreskog obveznika treba da sadrži JMB ako uplatu vrši fizičko lice ili JIB ako uplatu vrši pravno lice, vrsta uplate: 0, vrsta prihoda: 811114, općina: treba da sadrži šifru općine prebivališta-sjedišta uplatioca, porezni period: treba da odgovara datumu uplate, budžetska organizacija: 0701999, poziv na broj:0. Plaćanje se vrši sa bankovnih računa koji su navedeni u obrascu ponude.

Ako ponuđač ne pristupi sklapanju ugovora o kupoprodaji ili ukoliko nakon zaključenja ugovora odustane od njegove realizacije, uplaćeni depozit/kaucija mu se neće vratiti, a Ministarstvo zadržava pravo dodijeliti ugovor sljedećem ponuđaču sa liste uspješnih ponuđača.

Po izvršenoj provjeri uplate kupoprodajne cijene na ime kupovine predmetnog vozila, prodavac će telefonskim putem obavijestiti kupca o prijemu sredstava na račun JRT-a, a kupac je dužan preuzeti vozilo koje se nalazi na parkingu.

Sve poreze i troškove oko prijenosa vlasništva i transporta snosi kupac.

Prodavac neće davati garanciju u pogledu stanja, funkcionalnosti, izgleda i kvaliteta, skrivenih ili drugih nedostataka.